



Bosnia and Herzegovina
Federation of Bosnia and Herzegovina

CANTON SARAJEVO
Ministry for Education

Broj: 11-04/02-51808-1/23
Sarajevo, 9. 1. 2023. godine

SKUPŠTINA KANTONA SARAJEVO

n/r Elvedin Okerić, predsjedavajući Skupštine Kantona Sarajevo

Predmet: Odgovor na zastupničko pitanje, *dostavlja se*

ZASTUPNIČKO PITANJE:

Zastupnica Smiljana Viteškić je na Drugoj radnoj sjednici Skupštine Kantona Sarajevo, održanoj 30. 12. 2022. godine, u okviru tačke Dnevnog reda: „Poslanička/zastupnička pitanja, inicijative i odgovori“, a u skladu s članovima 211. i 214. Poslovnika Skupštine Kantona Sarajevo („Službene novine Kantona Sarajevo“, broj: 41/12- Drugi novi prečišćeni tekst. 15/13, 47/13, 47/15, 48/16, 9/20, 14/20, 16/22 i 17/22 Ispravka), uputila sljedeće zastupničko pitanje: „U kojoj je fazi izrada Zakona o dualnom obrazovanju u KS i da li je završen Projekt o podršci uspostavljanja dualnog obrazovanja u KS?“.

ODGOVOR: Nakon što je Vlada Kantona Sarajevo, 5.2.2018. godine, usvojila Smjernice za uvođenje dualnog obrazovanja u srednje stručne škole na području Kantona Sarajevo, ministar za obrazovanje, nauku i mlade, formirao je Komisiju za izradu teksta Nacrta Zakona o dualnom obrazovanju (Rješenje broj: 11/04-05-13952/18 od 14.3.2019. godine). Smjernice za uvođenje dualnog obrazovanja u srednjim stručnim školama na području Kantona Sarajevo predstavljaju polazni okvir za donošenje Zakona o dualnom obrazovanju u Kantonu Sarajevo.

Komisija je svoj zadatak završila u zadanom roku, ali do danas Nacrt Zakona o dualnom obrazovanju nije donesen. Naime, Nacrtom Zakona (čl. 44. i 45.) je bilo predviđeno materijalno i finansijsko obezbjeđenje učenika, te su predviđene naknade koje isplaćuju poslodavci učenicima koji obavljaju praktičan rad kod poslodavca.

Od samog početka rada na izradi Nacrta Zakona, predstavnici Udruženja poslodavaca Kantona Sarajevo, koji su bili članovi Komisije, su isticali da poslodavci nisu u mogućnosti vršiti bilo kakve isplate za obavljanje praktičnog rada, jer ta obaveza predstavlja značajno opterećenje za poslodavce. S obzirom na nepromijenjen stav Udruženja poslodavaca Kantona Sarajevo, ali i ostalih aktera u vezi sa ovim pitanjem, Ministarstvo je u saradnji sa organizacijom GIZ, izvršilo određene izmjene Nacrta zakona o dualnom obrazovanju u oktobru 2019. godine.

Shodno navedenom, Ministarstvo je sačinilo informaciju s ciljem stjecanja uvida Vlade Kantona Sarajevo u situaciju koja se odnosi na donošenje Nacrta Zakona o dualnom obrazovanju, odnosno razloge zbog kojih Ministarstvo nije bilo u mogućnosti Vladi Kantona Sarajevo, do sada, dostaviti

Naert Zakona o dualnom obrazovanju u Kantonu Sarajevo. Vlada Kantona Sarajevo je na sjednici održanoj 9.1.2020. godine donijela Zaključak o prihvatanju Informacije Ministarstva o donošenju Zakona o dualnom obrazovanju. te je Vlada Kantona Sarajevo zadužila Ministarstvo da Naert Zakona o dualnom obrazovanju dostavi na razmatranje.

Ministarstvo je u potpunosti završilo sa radom na materijalu i nakon dobijenog pozitivnog mišljenja Ureda za zakonodavstvo, Ministarstva pravde i uprave i Ministarstva finansija, očekivali smo nastavak aktivnosti u vezi sa ovom problematikom. Međutim, u 2020. godini se nisu provodile aktivnosti koje se odnose na donošenje Naerta Zakona o dualnom obrazovanju. U toku 2021. godine je tekst Naerta Zakona u saradnji sa GIZ-om dodatno unaprijeđen i materijal je u aprilu 2021. godine u formi Naerta Zakona predat ministrici za odgoj i obrazovanje.

U toku 2022. godine je tekst Naerta Zakona u saradnji sa GIZ-om ponovo dodatno unaprijeđen i materijal je u junu 2022. godine u formi Naerta zakona predat ministrici za odgoj i obrazovanje. U toku 2023. godine očekujemo donošenje Zakona o dualnom obrazovanju u Kantonu Sarajevo.

Također, kada je riječ o o podršci uspostavljanja dualnog obrazovanja u KS, informišemo Vas da je Ministarstvo za odgoj i obrazovanje Kantona Sarajevo realiziralo sljedeće aktivnosti koje su u vezi sa dualnim obrazovanjem:

- U saradnji sa GIZ-om i USAID Turizam, donesen je standard zanimanja kuhar i novi Nastavni plan i program za zanimanje: kuhar- III stepen;
- U saradnji sa GIZ-om donesen Nastavni plan i program za zanimanje: obradivač materijala na CNC mašinama- III stepen-SŠC Vogošća, Ilijaš i Hadžići;
- U saradnji sa GIZ-om donesen Nastavni plan i program za zanimanje: mašinski tehničar za CNC tehnologiju- IV stepen:-SŠC Vogošća, Ilijaš i Hadžići.

S poštovanjem.



Dostaviti:

1. Naslovu,
2. a/a.